

# Всеобуч—олна керг

Сургъулин джил эклхин өмн бидн сургъульчнриг спи-скәрнь хәләгъад, тоолад, хойр дакдж диглвдн.

Сургъуль эклсн өдрт сургъульч школд эс ирнә гисн —ик төр болдж гардг учрар, бидн то-дигинь арднь ордж кеснд, сургъулин джил сәәнәр экллә.

Болв сүл мана шүүлгән невчк тату-тартгинь олдж авб. Нег сара дунд зәрм школин директормуд кәдлмшән сулдахд, сургъулин наста бичкдүд гертән хәрдж ирәд, бәәгъад бәәдг учр гарч йовна.

Приозерн районд, негдгч класст орх зургъан күүкд-көвүд сургъульд орлго бәәсн болдж гарв.

Северн долан джилин сургъулин школин директор үр Юрин В. келнә: „Гурвн джилин туршарт бидн гурвн сургъульчиг школд орулдж чадлго бәәгъавдн“.

Юнъгад гихлә, эк-эцкнь орулхшвдн гисн учрар ода күртл багшнр боли школин директор эдниг школд орулдж авад уга.

Школин интернат дегд сән, тер бийнь „орулхшвдн“ гигъад Присарпинск школар бас

гурвн сургъульч школд орлго бәәнә.

Школас 25 дуунад, негдгч класст орх бичкдүд бәәнә. Сохранов Цернә эцкнь көвүгъән школд орулхин төлә, централнь усадьбд кәдлмш сурхла, совхозин директор үр М. В. Лонговой: „Кәдлмш уга, зәрмнь сургъуль эс сурснд гем уга, цугтан сургъульта, болхла, кен хар кәдлмш кехв“ —гидж келв.

Цернә эцкнь сән эрдмтә: беш кедг, модна чигн кәдлмш кедг күн, „көвүнәннь төлә ямаран болвчн кәдлмшт кәдлхәр седләв,“ —гидж келнә.

Наадк хойр сургъульчнь: Босхан Ораш, Мулдаша В. —хөөчнрин бичкдүд.

Ода тегәд, ямаран кевәр всеобучин загаг күцән гиджәнәвдн гигъад санхла, эн эркн төриг күцәхин төлә цуг олтн әмтн орлцх зөвтә болдж гарна. Совхозин толгъачнр, поссоветин ахлачнр, депутатнр цугтан дөнъгән күргхлә, всеобучиг күцәх хаалгънь олдх йоста.

БУХИН Э.

Приозерн района эрдм-сургъулин отделин заведующ.